

Canon der Tafel der landt

Sist zu wissen das alle rechnung stund vnd minut in disse Ka-
lender gericht ist auff die hochloblich stat Nürnberg/darumb
e so du anderstwo wohnhafft bist such do den namen deiner stat
oder d nächsten dabey in der Tavel der land vnd stette. Daselbs
wirt dir begegnet der zwaierbuchstaben ainer g. oder n. Das. g
bedeut das du die zal der minuten so nach im verzeichnet sind zugeben solte de
stunden vnd minuten die auff Nürnberg funden sind. Das. n. bedeut das
du solche abnehmen solte/Also erlernest du den newmone vnd volmone auff
welche stat du wilt/gleich als wer dieser Kalendar auff ain yede besunderlich
gericht. Mer solt du wissen seid ain mal die bemelt tavel für gemünien ist
das man durch die letsten reisten erkennet wie hoch des himels axe/oder der
polus lateinisch genant/steet auff ain yede statt daselbs verzeichnet/ Das ver-
nim̄ beylewffig in ganzen graden

Vom der Sonnen Vñ des Adons vinsten

11 Ach disertafel der land vnd stette/sind verzeichnet zwaiertlai
finsternus/der Sonnen vnd des Mones als die überschrifft
aufweyßen ist. Daselbs stet auch die zal der iar in welchem
sy künfftig sind/auch in welchem monet des iars. Ober des
Monesnamen sindt drey zal/die erst bedeut den tag des mo-
nets. die ander stund/die dritt minuten. Die selben stund vnd minuten soltu
zelen von mittag des selben tags so findest duz mittel der finsternus/Darnach
ist beschribē die halbe werung der finsternus/durch zwaiertlai bedeytung stund
vnd minuten. die selben zeich ab von dem mittail der finsternus so hastu den
anfang. auch leg sy zu dem mittel so erkennest du der finsternus ende. Fürbas
sind verzeichnet die puncten so die finsternus nit ganz ist. Der selben bedeut
ung vernim̄ also. Laß dich dunckenn der Sonnen oder des Mones zirckel
sey mit ainem faden getailt in zwai gleyche tail/vnd der selb faden das ist die
weit des zirckels sey getailt in xij/gleiche tail. die selbenn xij/tail nennet man
punct. Nun die zal der puncten meldet wie vil ir bedeckt werden im mittel der
vnuolkommen finsternus. Mer wirt dir offenbar welches tail der finsternus
entpfacht/wann so das vnder tail des zirckels schwarz ist/so wirt das vil
der tail der Sonnen/oder des Mones bedeckt/ So aber das ober schwarz